



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 4. Conditiones Matrimonii inter Philippum Hispaniæ Principem, & Mariam Angliæ Reginam.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Oratoribus agentes totum negotium in duabus Sessionibus absolverunt. Sæcul. XVI.
A. C. 1554.

§. IV.

*Conditiones Matrimonii inter Philip-
pum Hispaniæ Principem, &
Mariam Angliæ Reginam.*

Porro pacta, quæ inter Reginæ, ac *Pallav. l. 13.
cap. 8. n. 6.
Burnet hist.
de Ref. l. 2.
tom. 2.
p. 402.
Thu. l. 6.*
Cæsaris Ministros firmabantur, erant
sequentia. I. Nuptiis, quamprimum
fieri poterit, inter Mariam, & Philip-
pum contractis, ac perfectis, Philip-
pus omnium uxoris suæ Regnorum, ac
Provinciarum titulos, honores, ac præ-
rogativas sibi assumat, sitque durante
eorum connubio in negotiorum admi-
nistratione socius, ita tamen, ut An-
glici Regni privilegia, & consuetudi-
nes serventur integræ, ac plena, & li-
bera beneficiorum, gratiarum, necnon
munerum distributio nonnisi Angliæ
Nationis Viris facienda penes Reginam
permaneat. Vicissim Philippus titulo,
ac prærogativa Regis gaudeat, ejusque
nomen unacum Reginæ nomine sigillis,
nummis, & publicis diplomatibus ap-
ponatur, ita tamen, ut etiam absque
Mariti sui chirographo Reginæ scriptu-
ra plenam vim, fidemque consequatur,
nullusque ex Hispanis, vel ad Ministe-
rium, vel aliud Aulæ officium admit-
tatur,

Sæc XVI.
A.C 1554.

tatur: de cetero autem Reginae iidem, qui regi competunt, tituli adscribantur.

II. Si Regina Philippo vita superstes fuerit, donationis nomine sexaginta librarum millia pro annua pensione ex omnibus hujus Principis bonis hæreditariis assignentur, ita, ut ab Hispaniæ, & Arragoniæ Regnis quadraginta, viginti vero librarum sterlingicarum millia a Flandriæ, Hanoniæ, & Hollandiæ Provinciis pendantur. Burnetus hanc annuorum reddituum pensionem extollit ad octingenta librarum Gallicarum millia, ita, ut ex illis quingenta quinquaginta in Hispania, & ducenta quinquaginta millia in Belgio solvantur, ac Philippo e vivis excedente Regina hac pensione eo jure fruatur, quo olim Margarita Eboracensis Eduardi IV. Soror, ac Caroli Burgundiæ Ducis Vidua gauderat.

III. Ut litibus, ac dissidiis hanc ob rem orituris obviam iratur, conventum est, ut in dividenda hæreditate, quicumque masculus ex hoc matrimonio nascetur, in omnia regna, ac dominia Reginae, nec non in omnes Belgii, & Burgundiæ, quos Cæsar possidet, principatus succedat; Carolus vero natu major Philippi ex priori matrimonio Filius vicissim in cætera cuncta tam Patris, quam

quam aviæ, & Cæsaris avi, necnon in ^{Sæcul. XVI.} omnia Hispaniæ, Neapolis, & Siciliæ ^{A.C. 1554.} Regna, & in Mediolanensem Ducatum, ceteraque omnia bona, ac ditiones in Longobardia, vel in Italia sitas succedat: Si vero idem Carolus moreretur, vel sine liberis decederet, tunc primus; qui ex Philippo, & Maria nascetur, filius in omnia hæc jura, ac imperia succedat, ita, ut is Burgundiam, & Belgium aquirat: inde vero non solum Carolus Archidux, sed etiam Philippi, & Mariæ proles ab Hispania, & Italia excludantur.

IV. Natu minores, vel filix, quæ ex Mariæ, & Philippi connubio suscipientur, suam quisque partem hæreditariam in Anglia habebunt, quin tamen propterea impediatur, quo minus Philippus eorum Pater, vel Cæsar illorum Avus, si velint, eis quædam loca in Belgio, vel Burgundia assignare possent: si vero ex hoc matrimonio non nisi foeminae sint procreandæ, tunc natu major in Burgundiam, & Belgium ex Caroli Archiducis Fratris consensu succedat, atque sibi Maritum vel in præfatis Provinciis, vel in ditionibus Reginæ Matris suæ natum seligat: si tamen hanc conditionem acceptare recusaverit, vel illam adimplere neglexerit, Carolo sua in hæc Provincias jura integra

Sæcul. XVI. A.C. 1554 tegra permaneant, ea tamen lege, ut Sorori suæ tam in Hispania, quam in Belgio dotem juxta generis sui leges, ac consuetudinem congruam assignare teneatur.

V. Si contingat Carolum absque liberis decedere, tunc Philippi, & Mariæ filius primogenitus, vel etiam Filia natu major deficientibus masculis tam in Hispaniam, Italiam, quam in alias Provincias succedat: si tamen sit Princeps, etiam ad omnia alia Regna, & hæreditarias ditiones, quæ ad Caroli Cæsaris imperium tam in Burgundia, & Germania inferiori, quam in aliis ditionibus spectant, ad eundem jus devolvatur. Denique difertis verbis præcipiebatur, ut proles, quæ in Patris, ac Matris bona succedent, in omnibus eventibus supra memoratis integra servent jura, leges, consuetudines, & privilegia ditionum, quæ ad eas hæreditario jure transferentur, atque ejusmodi regiones, & Provincias Viris indigenis administrandas committant.

§. V.

*Hicce articulis per Reginam exhibitis
a Senatu quædam opposita.*

Hicce articuli latino, Anglico, Belgico, ac Hispano idiomate conscripti,